



JAVNA USTANOVA
DOM ZDRAVLJA
ZAVIDOVIĆI

Gazi Husrev-begova 25

tel. (032) 878-877

fax (032) 879-088

e-mail: polikzav@bih.net.ba

web : www.dzzavidovici.ba

Identifikacioni broj: 4218122690008

PDV broj: 218122690008

Žiro računi : ASA Banka d.d. Sarajevo : 134030000007482

Raiffeisen bank d.d. BiH Sarajevo – filijala Zenica : 1610550009120069

UPRAVNI ODBOR

Broj:01-2.16-2238/26

Datum:11.06.2026. godine

Upravni odbor JU «Dom zdravlja» Zavidovići na osnovu člana 38. Statuta JU «Dom zdravlja» Zavidovići i člana 70. Zakona o javnim nabavkama Bosne i Hercegovine («Službeni glasnik Bosne i Hercegovine» br. 39/14, 59/22 i 50/24), na svojoj 37. sjednici održanoj dana 11.06.2026. godine, donosi

ODLUKU

o izboru najpovoljnijeg ponuđača za nabavku
radova na rekonstrukciji ambulante porodične medicine Vozuća

Član 1.

Ugovor o nabavci radova na rekonstrukciji ambulante porodične medicine Vozuća za JU «Dom zdravlja» Zavidovići, dodjeljuje se ponuđaču **RIMENERG d.o.o. Banovići.**

Član 2.

Ponuda ponuđača RIMENERG d.o.o. Banovići, u provedenom otvorenom postupku javne nabavke, bila je prihvatljiva ponuda i imala je najnižu cijenu, te će se ovom ponuđaču ponuditi Ugovor o nabavci radova na rekonstrukciji ambulante porodične medicine Vozuća za JU „Dom zdravlja“ Zavidovići, u ukupnom iznosu od **429.507,64 bez PDV-a**, što sa PDV-om iznosi 502.523,94 KM.

Član 3.

Ponuda ponuđača BN TRANSPORT d.o.o. Zavidovići, odbačena je shodno članu 68. stav 4. tačka i) Zakona o javnim nabavkama, jer ponuda ne ispunjava zahtjeve iz tenderske dokumentacije u pogledu procjenjene vrijednosti nabavke.

Član 4.

Ponuda ponuđača MK ALU PLAST d.o.o. Zavidovići, odbačena je shodno članu 68. stav 4. tačka i) Zakona o javnim nabavkama, jer ponuda nije potpuna i ne ispunjava zahtjeve iz tenderske dokumentacije.

Član 5.

Ponuda ponuđača EMBAS GRAD d.o.o. Zavidovići, odbačena je shodno članu 68. stav 1. i stav 4. tačka i) Zakona o javnim nabavkama jer ponuđač nije dostavio tražene dokaze, odnosno dostavio je nepotpune dokaze, te ponuda nije potpuna i ne ispunjava zahtjeve iz tenderske dokumentacije.

Član 6.

Izabrani ponuđač će morati dostaviti original ili ovjerenu fotokopiju kvalifikacione dokumentacije u roku od 8 dana, od dana zaprimanja ove odluke, a kako je to navedeno u tenderskoj dokumentaciji i to:

a) uvjerenje Suda BiH i suda prema sjedištu pravnog lica, kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca,

b) uvjerenje nadležnog suda ili organa uprave kod kojeg je registrovan ponuđač kojim se potvrđuje da nije pod stečajem niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti,

c) uvjerenja nadležnih institucija kojim se potvrđuje da je ponuđač izmirio dospjele obaveze za doprinose za penzijsko i invalidsko osiguranje i zdravstveno osiguranje.

d) uvjerenja nadležnih institucija da je ponuđač izmirio dospjele obaveze u vezi sa plaćanjem direktnih i indirektnih poreza.

Član 7.

Ova odluka stupa na snagu danom donošenja.

Obrazloženje

Obavještenjem o nabavci br. 638-1-3-246-3-61/26 koje je objavljeno na portalu javnih nabavki dana 15.05.2026. godine i u „Službenom glasniku BiH“, broj: 32 od 22.05.2026. godine, pokrenut je postupak javne nabavke radova na rekonstrukciji ambulante porodične medicine Vozuća, putem otvorenog postupka javne nabavke.

Tendersku dokumentaciju za predmetnu nabavku sa portala javnih nabavki preuzelo je 26 ponuđača i to:

MK ALU PLAST, BIMA-AZ BAU, ARTA SOLUTION DOO, NOBEX, RIMENERG, LA VIE, MEGA-ROLL DOO, BN TRANSPORT DOO, EMBAS GRAD, DŽEVKOMERC INŽINJERING D.O.O. ZAVIDOVIĆI, PAM COLOR D.O.O., TUZLIĆ DOO, INTERART, BBS EUROPE, EKAPIJA DOO, TENDERI DOO, ELEKTROCENTAR PETEK D.O.O. TUZLA, BRAĆA KARIĆ D.O.O. ZENICA, "DKM GRADNJA" D.O.O. MAGLAJ, GD KONSTRUKCIJE D.O.O., HUNES D.O.O., R&S D.O.O. SARAJEVO,

"NIWEX" D.O.O. DERVENTA, HASANAGIĆ DOO, EUROKAPIJA D.O.O. ILIDŽA i ALMY-GRADNJA DOO ZENICA.

Na adresu JU "Dom zdravlja" Zavidovići dostavljene su 4 ponude i to: BN TRANSPORT D.O.O. ZAVIDOVIĆI, RIMENERG D.O.O. BANOVIĆI, MK ALU PLAST D.O.O. ZAVIDOVIĆI i EMBAS GRAD D.O.O. ZAVIDOVIĆI.

Procijenjena vrijednost javne nabavke za ovaj lot iznosi 430.000,00 KM.

Nakon pregleda dostavljene dokumentacije Komisija za javne nabavke utvrdila je da je jedna ponuda prihvatljiva, a tri ponude su odbačene jer ne ispunjavaju zahtjeve iz Tenderske dokumentacije.

Neprihvatljivim su ocijenjene ponude ponuđača BN TRANSPORT D.O.O. ZAVIDOVIĆI, MK ALU PLAST D.O.O. ZAVIDOVIĆI i EMBAS GRAD D.O.O. ZAVIDOVIĆI.

1. Ponuda ponuđača BN TRANSPORT D.O.O. ZAVIDOVIĆI, neprihvatljivom je ocijenjena iz sljedećih razloga:

U toku postupka procjene ponuda komisija je utvrdila da ponuđač BN TRANSPORT D.O.O. ZAVIDOVIĆI ima računsku grešku u ponudi, te mu je uputila zahtjev za prihvatanje ispravke računске greške u ponudi.

Ponuđač BN TRANSPORT D.O.O. ZAVIDOVIĆI je pisanim putem prihvatio ispravku računске greške u svojoj ponudi, te nakon prihvatanja ispravke računске greške, ponuda iznosi 446.609,21 KM bez PDV-a, što sa PDV-om iznosi 522.532,78 KM.

Postupak prihvatanja ispravke računске greške u ponudi detaljno je opisan u dijelu XII-PODACI O ISPRAVCI RAČUNSKIH GREŠAKA ovog zapisnika.

Ponuđač je u odgovoru u kojem je prihvatio ispravku računске greške, naveo da u tom odgovoru daje popust od 16.830,00 KM bez PDV-a, i time se ne mijenja njegova konačna ponuda, ali se prihvata i ispravlja računska greška koja je nenamjerno napravljena.

Ponuđač je u svojoj ponudi, u obrascu za cijenu ponude-radovi, Aneks 3, broj: 44/26 od 04.06.2026. godine, u rubrici namijenjenoj za popust upisao „0,00 KM“ i u postupku ispravke računске greške ne mogu se mijenjati podaci iz dostavljene ponude u pogledu iskazanog popusta, te stoga cijena ponude, sa prihvaćenom ispravkom računске greške, iznosi 446.609,21 KM bez PDV-a.

Tenderskom dokumentacijom, broj: 01-2.12-1520/26 od 15.05.2026. godine, u dijelu IV- PODACI O PONUDI, 5. Način određivanja cijene ponude propisano je sljedeće:

“Cijena ponude se piše brojevima i slovima u obrazac za cijenu ponude Aneks 3.

Ugovorni organ će kao neprihvatljivu odbiti onu ponudu koja sadrži cijenu koja se može prilagođavati, a koja nije u skladu sa predhodnim stavom.“

Imajući u vidu procedure javne nabavke koja propisuje način pripreme ponude, ukuljučujući i određivanje cijene ponude, postupak sa jediničnim cijenama, popustom koji se obavezno i isključivo unosi u zapisnik o otvaranju ponude, jasno je da se ovako ponuđena cijena sa popustom u ovoj fazi postupka nabavke ne može prihvatiti, jer bi se to imalo smatrati prilagođavanjem cijene ponude, suprotno odredbama Zakona o javnim nabavkama i tenderske dokumentacije.

Članom 2. stav (1) tačka 1) podtačka 2) Zakona o javnim nabavkama ("Službeni glasnik BiH", broj: 39/14 i 59/22), propisano je da je ponuda dokument koji podnosi ponuđač, pri čemu nudi isporuku robe, pružanje usluge ili izvođenje radova, pod uslovima koje određuje ugovorni organ u tenderskoj dokumentaciji, te da ponuda može biti:

"neprihvatljiva - čija cijena prelazi planirana, odnosno osigurana novčana sredstva ugovornog organa za nabavku ili ponuda ponuđača koji ne ispunjava kriterije za kvalifikaciju privrednog subjekta".

Tenderskom dokumentacijom, u tački "7. KRITERIJ DODJELE UGOVORA ", propisano je da je kriterij za dodjelu ugovora najniža cijena, a u podtački "7.1. Procijenjena vrijednost javne nabavke", iskazana je procijenjena ukupna vrijednost javne nabavke u iznosu od 430.000,00 KM bez PDV-a, te je istaknuta napomena koja glasi:

"CIJENA PONUDE NE SMIJE BITI VEĆA OD PROCIJENJENE VRIJEDNOSTI. U protivnom, ponuda će se smatrati neprihvatljivom u skladu sa članom 2. stav (1) tačka 1) Zakona o javnim nabavkama."

U skladu s iznesenim je i praksa Agencije za javne nabavke, koja je izdala savjetodavno mišljenje, broj: 04-02-1-2387/22 od 18.11.2022. godine, u kojem se navodi da se neprihvatljivom ponudom smatra ponuda čija vrijednost prelazi planiranu vrijednost ugovorog organa ili vrijednost osiguranih sredstava prije početka postupka javne nabave, te da se u otvorenom postupku javne nabavke i konkurentskom zahjevu za dostavu ponuda, neprihvatljivost ponude cijeni u toku postupka, a u slučaju da je predviđena e-aukcija, neprihvatljivost se cijeni prije zakazivanja e-aukcije.

U skladu s iznesenim, ponuda ponuđača BN TRANSPORT D.O.O. ZAVIDOVIĆI, odbačena je shodno članu 68. stav 4. tačka i), jer ponuda ne ispunjava zahtjeve iz tenderske dokumentacije u pogledu procjenjene vrijednosti nabavke.

2. Ponuda ponuđača MK ALU PLAST d.o.o. Zavidovići, neprihvatljivom je ocijenjena iz sljedećih razloga:

Tenderskom dokumentacijom, broj: 01-2.12-1520/26 od 15.05.2026. godine, u dijelu IV- PODACI O PONUDI, "4.Obrazac za cijenu ponude iz Aneksa propisano je sljedeće:

"Obrazac za cijenu ponude koji je dat kao Aneks 3. Uputstva za pripremu modela tenderske dokumentacije i ponuda, se priprema u skladu sa zahtjevima iz tenderske dokumentacije i čini sastavni dio tenderske dokumentacije.

Ponuđači su dužni dostaviti popunjen obrazac za cijenu ponude u skladu sa svim zahtjevima koji su definisani, za sve stavke koje su sadržane u obrascu. U slučaju da ponuđač propusti popuniti obrazac u skladu sa postavljenim zahtjevima, njegova ponuda će biti odbačena."

Obrazac za cijenu ponude –radovi –Aneks 3 bio je prilog tenderske dokumentacije i isti se sastojao od 4 dijela i to:I- GRAĐEVINSKI I ZANATSKI RADOVI, II- ELEKTRO RADOVI,III- UNUTRAŠNJE HIDROINSTALACIJE i IV VANJSKE HIDROINSTALACIJE.

Svaki od 4 dijela imao je posebne stavke radova.

U dijelu III- UNUTRAŠNJE HIDROINSTALACIJE, tačka 1.-FEKALNA KANALIZACIJA sadrži 5 (pet) podtačaka, od 1.1. do 1.5.

U postupku pregleda i ocjene ponuda, odnosno u toku provjere računске ispravnosti ponude ponuđača MK ALU PLAST D.O.O. ZAVIDOVIĆI, uzvrđeno je da u dostavljenom Obrascu za cijenu ponude –radovi –Aneks 3, broj: 39/2026, u dijelu III- UNUTRAŠNJE

HIDROINSTALACIJE, tačka 1.-FEKALNA KANALIZACIJA, nedostaje stavka 1.4 koja glasi: „WC priključna brtva

Obračun po komadu Ø 110 mm, jedinica mjere kom. ,u količini od 5,00 komada.“

U Obrascu za cijenu ponude –radovi –Aneks 3, ispod tabele stoji “Napomena” čija tačka 1. glasi:

“1.Cijene moraju biti izražene u KM. Za svaku stavku u ponudi mora se navesti cijena ili će ponuda biti odbačena kao neprihvatljiva.“

Dalje, u dijelu IV- VANJSKE HIDROINSTALACIJE-tačka 4.OĐVODNJA – ZEMĻJANI RADOVI- PODTAČKA 4.2. koja glasi :

“Utovar i transport viška materijala na deponiju udaljenu do 2 km od svih vrsta iskopa. Koeficient rastersitost K=1.25. Obračun po m³, jedinica mjere m³ ,u količini od 18 m³., navedena je 2 puta.

Način na koji je ponuđač MK ALU PLAST D.O.O. ZAVIDOVIĆI dostavio i ponudio Obrazac za cijenu ponude –radovi –Aneks 3, nije u skladu sa odredbama i zahtjevima tenderske dokumentacije , odnosno ponuda nije dostavljena na propisan način, što predstavlja razlog za odbacivanje ponude, propisan u dijelu IV- PODACI O PONUDI, “4.Obrazac za cijenu ponude iz Aneksa i Napomenom iz Obrasca za cijenu ponude – radovi –Aneks 3.

Nakon provedenog postupka pregleda i ocjene ponude, Komisija za javne nabavke utvrdila je da ponuda ponuđača MK ALU PLAST D.O.O. ZAVIDOVIĆI ne ispunjava zahtjeve iz tenderske dokumentacije.

Usljed utvrđenog činjeničnog stanja, ponuda ponuđača MK ALU PLAST D.O.O. ZAVIDOVIĆI , odbačena je shodno članu 68. stav 4. tačka i) Zakona o javnim nabavkama jer ponuda nije potpuna i ne ispunjava zahtjeve iz tenderske dokumentacije.

3. Ponuda ponuđača EMBAS GRAD d.o.o. Zavidovići, neprihvatljivom je ocijenjena iz sljedećih razloga:

Tenderskom dokumentacijom, broj: 01-2.12-1520/26 od 15.05.2026. godine, u dijelu III-1. OSTALI USLOVI ZA KVALIFIKACIJU, “4.Tehnička i profesionalna sposobnost – član 48.-49. Zakona, u dokazima koje je dužan dostaviti ponuđač u svrhu dokazivanja tehničke i profesionalne sposobnosti su: “, pod a) je traženo:

„a) Spisak uredno izvršenih ugovora u 2024., 2025. ili 2026. godini čiji je predmet izvođenje radova koji se traže ovom tenderskom dokumentacijom, uz najmanje dvije potvrde (sa sadržajem potvrde propisanim Zakonom o javnim nabavkama) koju izdaje druga ugovorna strana o njihovoj realizaciji (u slučaju da se takva potvrda iz objektivnih razloga ne može dobiti od ugovorne strane koja nije ugovorni organ, vrijedi izjava privrednog subjekta o uredno izvršenim ugovorima, uz predočavanje dokaza o učinjenim pokušajima da se takve potvrde osiguraju),“

Ponuđač EMBAS GRAD D.O.O. ZAVIDOVIĆI u svojoj ponudi, koju je predao 05.06.2026.godine i ista je zavedena pod rednim brojem protokola 01-2.14-2175/26, na strnama 40. i 41. dostavio je :potvrdu o uspješno izvedenim radovima od 18.02.2026.godine izdata od JU Centar za socijalni rad Zavidovići - ovjerena fotokopija od 01.06.2026.godine i potvrdu o uspješno izvedenim radovima od 29.05.2026.godine izdata od Solar –M d.o.o. Žepče - ovjerena fotokopija od 01.06.2026.godine.

Tenderskom dokumentacijom, broj: 01-2.12-1520/26 od 15.05.2026. godine tražene su najmanje dvije potvrde koju izdaje druga ugovorna strana o njihovoj realizaciji (sa sadržajem potvrde propisanim Zakonom o javnim nabavkama).

Zakon o javnim nabavkama, u članu 48. stav 3. propisuje:

„3) Potvrda o uredno izvršenim ugovorima mora sadržavati sljedeće podatke:

- a) naziv i sjedište ugovornih strana ili privrednih subjekata;
- b) predmet ugovora;
- c) vrijednost ugovora;
- d) vrijeme i mjesto izvršenja ugovora;
- e) navode o uredno izvršenim ugovorima.“

Uvidom u obje potvrde utvrđeno je da potvrde sadrže: naziv i sjedište ugovornih strana ili privrednih subjekata, predmet ugovora, vrijednost ugovora i navode o uredno izvršenim ugovorima, ali također, obje potvrde, ne sadrže vrijeme i mjesto izvršenja ugovora.

Zakon o javnim nabavkama u članu 48. stav 3. propisuje da predmetna potvrda mora da sadrži sve elemente od a) do e) bez izuzetka, a također i tenderskom dokumentacijom, broj: 01-2.12-1520/26 od 15.05.2026. godine, traženo je da potvrde koju izdaje druga ugovorna strana o njihovoj realizaciji moraju imati sadržaj propisan Zakonom o javnim nabavkama.

Potvrde koje priložio ponuđač EMBAS GRAD D.O.O. ZAVIDOVIĆI, ne ispunjavaju Zakonom o javnim nabavkama obavezan propisani sadržaj, usljed čega je konstatovano da dokumenti u vezi tehničke i profesionalne sposobnosti ponuđača (član 48. i 49. Zakona), nisu dostavljeni na način kako je traženo tenderskom dokumentacijom, zbog čega se ponuđač EMBAS GRAD D.O.O. ZAVIDOVIĆI isključuje iz daljeg učestvovanja u postupku javne nabavke zbog neispunjavanja navedenog uvjeta za kvalifikaciju.

Dalje u dijelu VI -OSTALI PODACI, tačka 9. Garancija za ozbiljnost ponude, između ostalog propisano je:

“Garancija za ozbiljnost ponude dostavlja se u originalu, u zatvorenoj plastičnoj foliji (koja se npr. na vrhu zatvori naljepnicom na kojoj je stavljen pečat ponuđača ili se otvor na foliji zatvori jamstvenikom, a na mjesto vezivanja zalijepi naljepnica i otisne pečat ponuđača) i uvezana u cjelinu čini sastavni dio ponude.

Garancija ne smije biti ni na koji način oštećena (bušenjem i sl.) jer probušena ili oštećena garancija se ne može naplatiti. Ukoliko garancija za ozbiljnost ponude nije dostavljena na propisan način, Ugovorni organ će odbaciti takvu ponudu.”

Ponuđač EMBAS GRAD D.O.O. ZAVIDOVIĆI u svojoj ponudi, koju je predao 05.06.2026.godine i ista je zavedena pod rednim brojem protokola br. 01-2.14-2175/26, na strani 57., dostavio je garanciju za ozbiljnost ponude, broj: 33090717/26/IZ od 03.06.2026.godine izdatu od Raiffeisen bank d.d. BIH –original.

Uvidom u način dostave garancije za ozbiljnost ponude, utvrđeno je da je garancija dostavljena plastičnoj foliji, koja nije zatvorena.

Naime, ponuđač je samo u plastičnu foliju stavio garanciju za ozbiljnost ponude, broj: 33090717/26/IZ od 03.06.2026.godine, bez ikakvog zatvaranje iste na način na koji je traženo tenderskom dokumentacijom (npr. da je na vrhu zatvorio naljepnicom na kojoj je stavljen pečat ponuđača ili da je otvor na foliji zatvorio jamstvenikom, a na mjesto vezivanja zalijepio naljepnicu sa otiskom pečat ponuđača).

Način na koji je ponuđač EMBAS GRAD D.O.O. ZAVIDOVIĆI dostavio garanciju za ozbiljnost ponude nije u skladu sa odredbama i zahtjevima tenderske dokumentacije, odnosno nije dostavljena na propisan način, što predstavlja razlog za odbacivanje ponude,

propisan u dijelu VI -OSTALI PODACI, tačka 9. Garancija za ozbiljnost ponude, tenderske dokumentacije.

Također, u tenderskoj dokumentaciji, u dijelu "IV -PODACI O PONUDI", tačka "2. Način dostavljanja ponuda", između ostalog, propisano je:

"Ponuda se čvrsto uvezuje na način da se onemogućí naknadno vađenje ili umetanje listova. Ako je ponuda izrađena u dva ili više dijelova, svaki dio se čvrsto uvezuje na način da se onemogućí naknadno vađenje ili umetanje listova."

Imajući u vidu da je dostavljena Garancija za ozbiljnost ponude u ponudi ponuđača EMBAS GRAD D.O.O. ZAVIDOVIĆI, kao sastavni dio ponude, dostavljena na način da se list a4 formata na kojem je ispisana Garancija za ozbiljnost ponude, umetnut u plastičnu foliju, može jednostavno izvaditi iz te plastične folije, dostavljena ponuda ne ispunjava niti uslov iz dijela "IV -PODACI O PONUDI", tačka "2. Način dostavljanja ponuda" Tenderske dokumentacije, kojim se traži da se ponuda čvrsto uvezuje na način da se onemogućí naknadno vađenje ili umetanje listova.

Nakon provedenog postupka pregleda i ocjene ponude, Komisija za javne nabavke utvrdila je da ponuda ponuđača EMBAS GRAD D.O.O. ZAVIDOVIĆI ne ispunjava zahtjeve iz tenderske dokumentacije.

Usljed utvrđenog činjeničnog stanja, ponuda ponuđača EMBAS GRAD D.O.O. ZAVIDOVIĆI, odbačena je shodno članu 68. stav 1. i stav 4. tačka i) Zakona o javnim nabavkama jer ponuđač nije dostavio tražene dokaze, odnosno dostavio je nepotpune dokaze, te ponuda nije potpuna i ne ispunjava zahtjeve iz tenderske dokumentacije.

U ovom postupku nabavke predviđeno je provođenje e-aukcije.

„E-Aukcija“ je elektronski proces provođenja dijela postupka javne nabavke, koji uključuje podnošenje novih cijena, izmijenjenih naniže, i/ili novih vrijednosti određenih elemenata ponude, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u sistemu "e-Nabavke".

Nakon pregleda i ocjene ponuda za nabavku radova na rekonstrukciji ambulante porodične medicine Vozuća, utvrđeno je da je samo jedna ponuda prihvatljiva, usljed čega nije ispunjen uslov za zakazivanje e-aukcije u sistemu e-Nabavke u skladu sa Pravilnikom o uslovima i načinu korištenja e-aukcije („Službeni glasnik BiH“, broj 80/23), jer je u članu 4. stav 2. istog Pravilnika propisano: "U slučaju prijema jedne prihvatljive ponude e-Aukcija se ne zakazuje"

Kako se e-aukcija nije mogla zakazati ovaj ugovorni organ je postupio u skladu sa članom 4. stav 2. Pravilnika o uslovima i načinu korištenja e-aukcije i mišljenjem Agencije za javne nabavke br. 04-02-2-1924-2/17 od 10.05.2017. godine.

U mišljenju Agencije za javne nabavke navedeno je da ukoliko smo u postupku javne nabavke zaprimili jednu prihvatljivu ponudu, a bili smo predvidjeli provođenje e-aukcije, koju nismo mogli zakazati, jer smo zaprimili samo jednu prihvatljivu ponudu, možemo nastaviti postupak nabavke i saglasno članu 69. stav (1) tačka a) Zakona, dodijeliti ugovor, te da informacije o predviđenoj e-aukciji i neodržavanju iste trebamo navesti navesti u zapisniku o evaluaciji ponuda.

Kako ugovorni organ nema mogućnost da zakaže planiranu e-aukciju iz razloga što je primio samo jednu prihvatljivu ponudu, to će okončati ovaj postupak nabavke u skladu sa članom 69. Zakona o javnim nabavkama, odnosno dodjelom ugovora ponuđaču koji je dostavio prihvatljivu ponudu u skladu sa zahtjevima iz tenderske dokumentacije.

Cijeneći pravilnost provedenog otvorenom postupku javne nabavke za nabavku radova na rekonstrukciji ambulante porodične medicine Vozuća, za JU „Dom zdravlja“ Zavidovići, te datu preporuku od strane Komisije za javne nabavke odlučeno je kao u dispozitivu ove Odluke.

PRAVNA POUKA: Protiv ove odluke može se izjaviti žalba u roku od 10 dana od dana prijema ove odluke.

Žalba se izjavljuje Uredu za razmatranje žalbi putem ugovornog organa u pisanoj formi direktno, elektronskim putem ili preporučenom poštanskom pošiljkom u tri primjerka, uz dokaz iz člana 105. stav (1) tačka i) Zakona o javnim nabavkama, o plaćenju naknadi za pokretanje žalbenog postupka, u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena.

DOSTAVLJENO:

1. RIMENERG d.o.o. Banovići,
2. BN TRANSPORT d.o.o. Zavidovići,
3. MK ALU PLAST d.o.o. Zavidovići,
4. EMBAS GRAD d.o.o. Zavidovići,
5. a/a.

**PREDSJEDNIK
UPRAVNOG ODBORA:**
Mehić Elvir, dipl. pravnik